

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), člana 25. i člana 130. Statuta Grada Tuzla („Službeni glasnik Grada Tuzla“, broj 6/21), Gradsko vijeće Tuzla, na sjednici održanoj dana 28. februara 2024. godine, donosi

DEKLARACIJU o osudi nasilja u Gazi

I

Deklaracijom prije svega naglašavamo poštovanje ljudskih života, dostojanstva i prava.

Javno izražavamo stav i osuđujemo svaki oblik nasilja koji rezultira gubicima nevinih života u Pojasu i Gaze, naročito među civilnim stanovništvom.

Izražavamo duboku zabrinutost zbog sudbine civila u Gazi. Svaka izgubljena ljudska žrtva predstavlja tragediju i zahtijeva hitne korake prema postizanju mirnog rješenja.

Pozivamo na poštivanje međunarodnog humanitarnog prava kojim se nedužni civili, a posebno djeca moraju zaštititi.

Očekujemo da međunarodne organizacije, kao što je UN dokumentuju stradanja stanovništva, uništenu imovinu, bolnice, škole, domove, te da se utvrde zločinci kojim će se suuditi.

Pozivamo međunarodnu zajednicu da kontinuirano pruža humanitarnu pomoć i iskoristi svoj uticaju kako bi se ublažile patnje stanovništva u Gazi, prije svega kroz osiguravanje medicinske zaštite, hrane i pitke vode.

Izražavamo dosadašnju podršku humanitarnim organizacijama koje pružaju pomoć narodu Gaze.

Zalažemo se za hitan humanitarni prekid sukoba, te da svi prelazi u Gazi budu prohodni za nesmetan pristup humanitarne pomoći.

Posebno ističemo potrebu zaštite djece i ranjivih skupina tokom sukoba. Djeca ne smiju biti izložena traumatičnim iskustvima i gubicima.

Pozivamo sve međunarodne zvaničnike da se konstantno zalažu za zaustavljanje sukoba, kako bi se osigurao mir i stabilnost.

II

Deklaracija će se objaviti u „Službenom glasniku Grada Tuzla“.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Gradsko vijeće
Broj: 01-04-A-3389-2024
Tuzla, 28. februar 2024. godine**

PREDSJEDAVAJUĆA

Nataša Perić, prof.

Obrazloženje

Pravni osnov za donošenje Deklaracije o osudi nasilja u Gazi je član 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), te član 25. i član 130. Statuta Grada Tuzla („Službeni glasnik Grada Tuzla“, broj 6/21).

Vijećnik Senad Mehmedinović je na 35. redovnoj sjednici Gradskog vijeća, održanoj dana 31. januara 2024. godine Kolegiju Gradskog vijeća uputio inicijativu za donošenje Deklaracije o osudi nasilja u Gazi. Uz inicijativu, dostavio je i prijedlog teksta Deklaracije o osudi nasilja u Gazi. Kolegij Gradskog vijeća je na 40. sjednici održanoj dana 20.2.2024. godine prihvatio prijedlog vijećnika Senada Mehmedinovića, te je u dnevni red 36. redovne sjednice uvrsto tačku pod nazivom Razmatranje Inicijative za donošenje Deklaracije o osudi nasilja u Gazi.

OBRADIVAČ

Stručna služba Gradskog vijeća